

MESYUARAT KEDUA, PENGGAL KETIGA  
PARLIMEN KEEMPAT BELAS  
2020

**HARI ISNIN : 17 OGOS 2020**

**JAWAPAN-JAWAPAN BAGI PERTANYAAN-PERTANYAAN JAWAB**  
**LISAN YANG TIDAK DIJAWAB DI DALAM DEWAN**  
**( SOALAN NO. 11 HINGGA NO. 45 )**

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

---

**PERTANYAAN : JAWAB LISAN**

**DARIPADA : DATUK ZAKARIA BIN MOHD. EDRIS  
@ TUBAU [ LIBARAN ]**

**TARIKH : 17 OGOS 2020 (ISNIN)**

**SOALAN**

minta **MENTERI PEMBANGUNAN LUAR BANDAR** menyatakan apakah langkah untuk memperkenalkan industri baru kepada penduduk luar bandar bagi mempelbagaikan aktiviti ekonomi supaya tidak hanya bergantung kepada penanaman sawit dan getah semata-mata.

**JAWAPAN**

Tuan Yang di-Pertua,

Pelbagai program telah dibuat oleh Kementerian dalam usaha untuk menaiktaraf kehidupan penduduk di luar bandar khususnya petani dan pekebun. Di antara program yang dibuat adalah Projek Bersepadu Pembangunan Ekonomi Kampung (PROSPEK) dan Program Aktiviti Ekonomi Tambahan (AET).

PROSPEK merupakan satu projek yang memberi fokus kepada komponen ekonomi, prasarana asas dan perumahan. Komponen ekonomi ini tidak melibatkan pembukaan ladang getah dan kelapa sawit di kampung-kampung tetapi lebih menumpukan kepada *niche product* di kampung tersebut contohnya di PROSPEK Rintis Kg. Sidam, Kulim, Kedah.

Selain itu, Kementerian melalui agensi Lembaga Kemajuan Tanah di bawah Kementerian komited untuk membantu pekebun kecil menjana pendapatan tambahan ketika harga komoditi yang kini kurang

## **NO. SOALAN : 11**

memberangsangkan dengan pelaksanaan Program Aktiviti Ekonomi Tambahan (AET).

Program ini bertujuan untuk mewujudkan sumber pendapatan sampingan kepada peserta, melahirkan usahawan di kalangan peserta dan pekebun kecil luar bandar dan meningkatkan pendapatan isi rumah. Program AET yang dilaksanakan adalah aktiviti pertanian, ternakan dan ekonomi desa.

Pada tahun ini, sebanyak RM39.65 juta telah diperuntukkan bagi Program AET yang memberi manfaat kepada 3,480 peserta.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA  
PARLIMEN KEEMPAT BELAS**

---

**PERTANYAAN : LISAN**  
**DARIPADA : YB TUAN MA'MUN BIN SULAIMAN**  
**KAWASAN : KALABAKAN**  
**TARIKH : 17 OGOS 2020 (ISNIN)**

**SOALAN NO. 12**

minta **MENTERI KERJA RAYA** menyatakan status terkini projek Lebuhraya Kalabakan-Serudung berserta Kompleks Kastam Imigresen Kuarantin Keselamatan (CIQS) dan perumahan Kerajaan bernilai RM600 juta yang diluluskan dalam pengumuman Belanjawan 2020 tahun lalu.

**JAWAPAN**

Tuan Yang Dipertua,

Untuk makluman Ahli Yang Berhormat, Projek Lebuhraya Trans Borneo jajaran Kalabakan – Simanggaris berserta Kompleks Kastam Imigresen Kuarantin Keselamatan (CIQS) dan perumahan Kerajaan telah diluluskan peruntukan sebanyak RM600 juta oleh Kementerian Kewangan di bawah Inisiatif Belanjawan 2020. Namun begitu, kajian kerja – kerja awalan bagi projek ini perlu dilaksanakan terlebih dahulu dengan peruntukan RM10 juta yang telah diluluskan oleh Kementerian Kewangan di bawah inisiatif yang sama. Kajian kerja-kerja awalan melibatkan kerja ukur tanah, penyiasatan tanah, *environmental screening*, kajian impak trafik, dan kajian impak sosial.

Walau bagaimanapun, pada Jun 2020 Kementerian Kewangan telah memutuskan untuk tidak meneruskan semua inisiatif Belanjawan 2020 yang telah diumumkan. Oleh yang demikian, kajian kerja-kerja awalan ini tidak dapat diteruskan kerana tiada peruntukan disalurkan kepada Kementerian ini. Walau bagaimanapun, pihak Kementerian telah memohon kepada Agensi Pusat untuk meluluskan semula peruntukan sebanyak RM10 juta bagi kerja-kerja awalan bagi membolehkan kerja-kerja ini diteruskan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KETIGA, PENGGAL KEDUA  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' HAJI JALALUDDIN BIN HAJI ALIAS  
[ JELEBU ]**

**TARIKH : 17 OGOS 2020 [ ISNIN ]**

**SOALAN**

Minta **MENTERI PERUMAHAN DAN KERAJAAN TEMPATAN** menyatakan adakah terdapat isu lambakan rumah yang tidak terjual bagi tahun 2020 susulan pandemik COVID-19 yang melanda negara dan bagaimanakah pihak Kementerian menangani masalah ini.

**JAWAPAN**

Tuan Yang di-Pertua,

1. Untuk makluman Yang Berhormat, berdasarkan maklumat daripada Pusat Maklumat Harta Tanah Negara (NAPIC), sebanyak 29,698 unit rumah siap dibina tidak terjual dicatatkan pada suku pertama 2020 tidak banyak berbeza berbanding suku keempat pada tahun 2019 iaitu 30,664 unit.
2. Berdasarkan anggaran, jualan rumah pada suku kedua tahun 2020 akan terjejas berikutan isu pandemik COVID-19. Ini terjadi kerana rakyat akan lebih berhati-hati untuk berbelanja dalam semua perkara termasuk untuk membeli rumah.

3. Antara usaha Kerajaan bagi mengatasi masalah lebih bekalan rumah kediaman adalah melalui Pelan Jana Semula Ekonomi Negara (PENJANA) 2020 yang diumumkan oleh YAB Perdana Menteri Malaysia pada 5 Jun 2020 bagi sektor hartanah. Kerajaan telah bersetuju dengan 3 inisiatif untuk merancakkan semula pasaran hartanah seperti berikut:

**i. Kempen Pemilikan Rumah / *Home Ownership Campaign* (HOC) 2020**

Melalui Kempen Pemilikan Rumah 2020 (HOC 2020), insentif oleh Kerajaan diberikan melalui pengecualian duti setem dan insentif oleh pemaju perumahan diberikan melalui diskaun harga jualan sekurang-kurangnya 10%. Insentif pengecualian duti setem yang diberikan adalah seperti berikut:

BIL.	HARGA RUMAH (SEBELUM DISKAUN)	PENGECUALIAN DUTI SETEM	TEMPOH PENGECUALIAN
1.	<p>Harga rumah RM300,001 hingga RM2.5 juta yang dibeli daripada pemaju perumahan:</p> <p>(i) Berlesen di bawah Akta Pemajuan Perumahan (Kawalan dan Pelesenan) 1966 [Akta 118], Enakmen Pemajuan Perumahan (Kawalan dan Pelesenan) 1978, Sabah atau Ordinan Pemajuan Perumahan (Kawalan dan Pelesenan) 2013, Sarawak;</p> <p>(ii) Pendaftaran untuk menyertai HOC 2020 dengan REHDA, SHAREDADA atau SHEDA; dan</p> <p>(iii) Diberikan diskaun sekurang-kurangnya 10% ke atas harga jualan rumah.</p>	<p><b><u>Surat cara pindah milik</u></b> Pengecualian duti setem 100% adalah terhad kepada RM1 juta pertama nilai rumah tersebut. Baki selebihnya adalah tertakluk kepada kadar 3%.</p> <p><b><u>Perjanjian Pinjaman</u></b> Pengecualian duti setem 100% ke atas keseluruhan perjanjian pinjaman</p>	<p>Bagi perjanjian jual beli yang disempurnakan <b>pada 1 Jun 2020 sehingga 31 Mei 2021</b> dan disetamkan di mana-mana cawangan LHDNM.</p>

Nota: Pengecualian duti setem ini **tidak layak** diberikan kepada penjualan rumah *subsale* (*secondary market*).



**ii. Pengecualian Cukai Keuntungan Harta Tanah (CKHT)**

CKHT ialah cukai yang dikenakan ke atas keuntungan dari hasil jualan hartanah. Pengecualian cukai semasa tersebut akan dapat memberikan kesan positif dalam merangsang pasaran perumahan negara.

Di bawah PENJANA, pengecualian CKHT diberikan kepada individu warganegara Malaysia ke atas pelupusan rumah kediaman yang dibuat mulai **1 Jun 2020 hingga 31 Disember 2021**. Pengecualian ini dihadkan bagi pelupusan **3 unit** rumah sahaja untuk setiap individu.

**iii. Had Pembiayaan Bagi Pinjaman Perumahan / Loan to Value (LTV)**

Loan-to-Value (LTV) ialah nisbah nilai pembiayaan yang ditawarkan oleh institusi kewangan kepada nilai harta kediaman. Pada tahun 2013, Bank Negara Malaysia telah memperkenalkan had LTV 70% bagi pembiayaan perumahan kali ketiga dan ke atas.

Di bawah PENJANA, **had pembiayaan bagi pinjaman rumah ketiga dan seterusnya bernilai RM600 ribu ke atas** semasa tempoh HOC 2020 tidak lagi tertakluk kepada 70% daripada nilai rumah tetapi tertakluk kepada pengurusan risiko dalaman institusi kewangan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

**PERTANYAAN : LISAN**

**DARIPADA : YB TUAN LARRY SOON @ LARRY SNG WEI  
SHIEN [ JULAU ]**

**TARIKH : 17 OGOS 2020 (KHAMIS)**

**JAWAPAN**

**TUAN LARRY SOON @ LARRY SNG WEI SHIEN [ JULAU ]** minta **MENTERI SUMBER MANUSIA** menyatakan anggaran bilangan pekerja tempatan yang hilang pekerjaan di negara ini, khususnya di Sarawak, akibat penularan wabak COVID-19 dan nyatakan langkah-langkah yang diambil Kerajaan dalam mengatasi masalah mereka.

**JAWAPAN**

**Tuan Yang di-Pertua,**

1. Sehingga **13 Ogos 2020**, kes kehilangan pekerjaan di seluruh negara yang direkodkan oleh Sistem Insurans Pekerjaan (SIP) PERKESO adalah seramai **72,457 orang**. Bagi Sarawak pula, seramai **2,345 orang** telah kehilangan pekerjaan.
2. Sehingga **13 Ogos 2020**, PERKESO Sarawak telah menerima permohonan daripada **2,345 orang berinsurans (pekerja)** bagi mendapatkan bantuan kewangan di bawah Sistem Insurans Pekerjaan (SIP).
3. Sistem Insurans Pekerjaan (SIP) menawarkan dua jenis faedah iaitu **faedah berbentuk kewangan** dan **faedah bantuan pencarian pekerjaan** iaitu Elaun Mencari Pekerjaan, Elaun Bekerja Semula Awal, Elaun Pendapatan Berkurang, Elaun Latihan, Fi Latihan (dibayar kepada Penyedia Latihan), Program *Upskilling and Reskilling*, Perkhidmatan Pekerjaan dan Kaunseling Kerjaya.
4. Selain program di atas, Kementerian Sumber Manusia melalui Jabatan Tenaga Kerja (JTK) Sarawak telah melaksanakan beberapa inisiatif antaranya:
  - (i) **Yang pertama**, telah mengadakan 94 sesi temuduga terbuka di 17 buah Pejabat Tenaga Kerja termasuk JobsMalaysia Centre di seluruh Sarawak. Melalui sesi temuduga ini telah berjaya menempatkan 181 orang pencari kerja. Daripada jumlah tersebut, 75 orang merupakan penempatan siswazah manakala 106 orang adalah penempatan kepada bukan siswazah.
  - (ii) **Yang kedua**, sebanyak 8,534 kekosongan jawatan di negeri Sarawak telah dimuatnaik di laman sesawang jabatan pada 15

Ogos 2020. Inisiatif ini untuk membantu pencari kerja dan pekerja yang diberhentikan mendapat pekerjaan.

- (iii) **Yang ketiga**, sehingga 15 Ogos 2020, Jabatan Tenaga Kerja (JTK) Sarawak telah mengadakan lima (5) karnival kerjaya di bahagian Kuching, Samarahan, Sri Aman, Kapit dan Mukah. Karnival kerjaya ini telah berjaya menarik seramai 2,379 orang pengunjung dan disertai sejumlah 40 majikan yang berada di Sarawak serta Semenanjung Malaysia. Dalam program karnival tersebut sejumlah 2,603 kekosongan jawatan telah ditawarkan dan berjaya menempatkan seramai 742 orang pencari kerja. Antara sektor yang paling banyak menyumbang kepada kekosongan jawatan adalah sektor peruncitan serta sektor pembuatan.

5. Jabatan Tenaga Kerja (JTK) Sarawak juga telah membantu pekerja yang diberhentikan untuk mendapatkan pembelaan di bawah Ordinan Buruh Sarawak dan Akta Perhubungan Perusahaan 1967 dengan memfailkan kes ke jabatan yang berkaitan.

6. Untuk makluman Ahli-Ahli Dewan yang Mulia ini, bagi mengelakkan pembuangan pekerja secara besar-besaran di Malaysia, Kerajaan telah memperkenalkan program PRIHATIN dan PENJANA yang turut meliputi negeri Sarawak.

**Tuan Yang di-Pertua,**

7. Di sini saya ingin sekali lagi memaklumkan inisiatif yang telah dan sedang dilaksanakan oleh Kementerian Sumber Manusia seperti berikut:

- (i) **Program pertama** adalah program subsidi kepada pekerja yang dikenali sebagai **Program Pengekalan Pekerjaan** ataupun ***Employment Retention Program (ERP)***.

## SOALAN NO : 14

Program ini bertujuan untuk membantu pekerja yang diberi notis Cuti Tanpa Gaji melalui bantuan kewangan segera dengan izin *immediate financial assistance*.

- (ii) **Program kedua** adalah program subsidi bagi membantu majikan yang dikenali sebagai **Program Subsidi Upah (PSU)**; dan
- (iii) **Program ketiga** adalah ***MyApprentice, HireMalaysia, hiring incentive, mobility assistance*** dan latihan ***reskilling and upskilling*** di bawah PENJANA. Program ini bertujuan merencanakan pengambilan pekerja oleh majikan.

**Tuan Yang di-Pertua,**

8. Langkah-langkah yang saya telah terangkan sebentar tadi adalah bukti keprihatinan Kerajaan Perikatan Nasional dalam menangani masalah pekerja yang hilang pekerjaan akibat COVID-19.

Sekian, terima kasih.

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KETIGA  
PARLIMEN KEEMPAT BELAS (2020)**

---

**PERTANYAAN : LISAN**

**DARIPADA : TUAN CHE ALIAS BIN HAMID [ KEMAMAN ]**

**TARIKH : 17 OGOS 2020 (ISNIN)**

**SOALAN**

**TUAN CHE ALIAS BIN HAMID [ KEMAMAN ]** minta **MENTERI ALAM SEKITAR DAN AIR** menyatakan mekanisme pemantauan Prosedur Operasi Standard (SOP) industri kilang bagi memastikan kualiti udara dan air terpelihara.

**JAWAPAN**

Tuan Yang Di Pertua,

1. Memastikan kualiti air dan udara sentiasa terpelihara adalah antara tugas serta tanggung-jawab yang paling utama kepada Kementerian Alam Sekitar dan Air (KASA). Premis dan kawasan industri kilang adalah di kawal oleh KASA melalui Jabatan Alam Sekitar menggunakan Akta Kualiti Alam Sekeliling tahun 1974.
2. Bagi memastikan kualiti udara dan air sentiasa terpelihara, SOP (*Standard Operating Procedure*) seperti berikut di guna-pakai oleh KASA melalui Jabatan Alam Sekitar iaitu;
  - (i) Penguatkuasaan di lapangan yang di laksanakan secara berkala ke premis kilang dan industri, terutamanya bagi memastikan mereka mematuhi Akta Alam Sekeliling 1974, terutamanya kepada Seksyen 22 dan 25 Akta tersebut iaitu kawalan terhadap pelepasan

pencemaran ke udara dan pelepasan *effluent* ke alur air berhampiran (atau sungai).

- (ii) Manakala kilang-kilang dan industri yang di kategorikan sebagai premis yang di tetapkan yang dilesenkan, iaitu kilang-kilang memproses buah kelapa sawit mentah, kilang memproses getah asli mentah dan premis (kilang) yang melakukan pemerolehan kembali buangan terjadual.

Premis-premis dan kilang-kilang industri ini perlu mematuhi syarat pelepasan udara dan air yang telah di tetapkan di dalam syarat lesen mereka yang di dikeluarkan oleh KASA melalui Jabatan Alam Sekitar.

Untuk tujuan ini, terdapat sebanyak 15 peraturan yang berkaitan dengan kawalan kualiti udara dan 3 peraturan berkaitan kawalan pencemaran air manakala terdapat 2 peraturan am yang meliputi buangan terjadual dan aktiviti yang ditetapkan yang memerlukan laporan penilaian kepada alam sekeliling (*Environmental Impact Assessment* - EIA).

- (iii) Aktiviti-aktiviti Kilang dan Industri yang masih di peringkat perancangan (*in planning stage*) perlu menyediakan Laporan Penilaian Kesan kepada Alam Sekeliling (*EIA Report*), terlebih dahulu sebelum projek tersebut dilaksanakan.

Perkara ini tertakluk di bawah Seksyen 34A, Akta Kualiti Alam Sekeliling 1974.

- (iv) KASA melalui Jabatan Alam Sekitar juga memantau pelepasan pencemaran udara oleh kilang dan industri melalui Sistem Pemantauan Jarak Jauh iaitu *Intergrated Remote Monitoring System (i Remote)* dan *Continuous Emission Monitoring System (CEMS)*.

Kedua-dua Sistem ini menggunakan Teknologi Kawalan Jarak Jauh menerusi Aplikasi Atas Talian atau *On Line*.

Manakala bagi pelepasan *effluen* ke alur air berhampiran dengan kilang atau industri, pihak pemain industri dikehendaki sentiasa mengemas-kini status pelepasan *effluen* tersebut melalui Sistem *On Line Environmental Reporting (OER)*. Manakala bagi kawalan buangan terjadual melalui *Sistem Electronic Schedule Waste Information System – eSWIS*.

- (v) KASA menyarankan pemain industri perlu mematuhi perundangan sedia ada melalui pendekatan Pematuhan Kendiri Terpimpin (*Guided Self Regulation*) agar ini akan meningkatkan komitmen industri ke arah kelestarian alam sekitar.

3. KASA amat memerlukan kerjasama daripada semua lapisan masyarakat bagi memastikan kualiti udara dan air di negara ini sentiasa terpelihara.

4. Orang Awam juga boleh memainkan peranan dengan melaporkan kepada KASA dan Jabatan Alam Sekitar sekiranya ternampak berlakunya sebarang bentuk pencemaran udara atau air di sungai-sungai yang berhampiran dengan rumah atau tempat mereka kerja.

5. Kerjasama ini amat penting agar Orang Awam boleh menjadi Rakan Alam Sekitar kepada KASA membendung pencemaran udara dan air daripada berlaku.

6. Kelestarian Alam Sekitar adalah tanggung-jawab kita bersama.

Sekian. Terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT KETIGA, PENGGAL KEDUA  
PARLIMEN KEEMPAT BELAS**

---

**PERTANYAAN : LISAN**

**DARIPADA : PUAN JUNE LEOW HSIAD HUI  
[HULU SELANGOR]**

**TARIKH : 17 OGOS 2020 [ ISNIN ]**

**SOALAN**

Minta **MENTERI PERUMAHAN DAN KERAJAAN TEMPATAN** menyatakan perkembangan mengenai cadangan penubuhan bank khusus untuk memudahkan proses pinjaman perumahan mampu milik dan kos rendah.

**JAWAPAN**

Tuan Yang di-Pertua,

1. Untuk makluman Yang Berhormat, cadangan penubuhan bank ini telah diteliti oleh Kementerian Perumahan dan Kerajaan Tempatan (KPKT) bersama agensi-agensi yang terlibat pada tahun 2018. Walau bagaimanapun, hasil perbincangan mendapati bahawa cadangan ini tidak praktikal untuk dilaksanakan. Hal ini adalah kerana semua bank komersial turut menawarkan pinjaman perumahan berdasarkan kemampuan pembeli rumah dan kadar faedah pinjaman dikawal oleh Bank Negara Malaysia.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB DATO HASBULLAH B. OSMAN (GERIK)**

**TARIKH : 17 OGOS 2020**

**SOALAN**

**DATO' HASBULLAH BIN OSMAN [ GERIK ]** minta **MENTERI DALAM NEGERI** menyatakan berapa jumlah terkini pendatang tanpa izin di negara ini dan apakah langkah-langkah pihak Kerajaan bagi menangani masalah ini.

**JAWAPAN**

**Tuan Yang Di Pertua,**

Kementerian Dalam Negeri (KDN) melalui Jabatan Imigresen Malaysia (JIM) sentiasa komited dalam memastikan isu keberadaan PATI di dalam negara dapat ditangani secara berkesan dengan mengambil tindakan penguatkuasaan secara berterusan di seluruh negara.

Bagi tahun 2020 iaitu bagi tempoh 1 Januari sehingga 23 Julai 2020, sebanyak 4,615 operasi telah dilaksanakan dengan tangkapan seramai 18,092 orang PATI.

Selain daripada tindakan penguatkuasaan yang dilaksanakan oleh agensi-agensi penguatkuasaan secara bersepadu, pihak Kementerian melalui JIM memperkukuh kawalan kemasukan warganegara asing ke dalam negara melalui beberapa tahap kawalan dan saringan yang ketat seperti berikut :

- i. kuasa yang diberikan kepada pegawai imigresen di pintu masuk untuk menyemak beberapa kriteria seperti kesahihan dokumen perjalanan, pas/permit, tujuan kemasukan dan sejarah kemasukan ke Malaysia sebelum menentukan tempoh keberadaan warganegara asing di Malaysia;
- ii. tapisan awal dan saringan keselamatan ke atas semua warganegara asing yang memasuki Malaysia menggunakan sistem pangkalan data yang berintegrasi dengan pelbagai agensi penguatkuasaan seperti semakan melalui Senarai Syak (*Suspect List – SL*) JIM dan pengambilan data cap jari biometrik dan semakan butiran biodata serta dokumen perjalanan melalui *Stolen and Lost Travel Document System* (SLTD) yang dibangunkan oleh INTERPOL; dan
- iii. pengambilan maklumat biometrik warganegara asing untuk kemasukan ke dalam negara untuk rekod JIM.

**PEMBERITAHUAN PERTANYAAN LISAN  
DEWAN RAKYAT MESYUARAT KEDUA,  
PENGAL KETIGA, PARLIMEN KEEMPAT BELAS**

---

**PERTANYAAN : LISAN**

**DARIPADA : DATUK WIRA DR. MOHD HATTA BIN MD.  
RAMLI [LUMUT]**

**TARIKH : 17 OGOS 2020 (ISNIN)**

**SOALAN**

minta **MENTERI PEMBANGUNAN USAHAWAN DAN KOPERASI** menyatakan mengenai perancangan Kementerian untuk pulihkan industri PKS pasca COVID-19 ini.

**JAWAPAN**

Tuan Yang di-Pertua,

1. Kementerian Pembangunan Usahawan dan Koperasi (MEDAC) komited dalam usaha untuk membantu usahawan termasuk PKS yang terjejas akibat penularan wabak COVID-19 dengan melaksanakan program pembiayaan, latihan dan pembangunan kapasiti.
2. Pelan Pemulihan ini mengandungi **29 program jangka pendek dan sederhana di bawah enam (6) strategi** yang dijangka akan memanfaatkan lebih 20,000 penerima dan melibatkan **kos peruntukan yang dianggarkan sebanyak RM 362.79 juta bagi pelaksanaan tahun 2020 dan 2021**. 6 strategi telah dirancang khusus bagi menyokong kestabilan ekosistem keusahawanan, memulihkan operasi perniagaan usahawan dalam tempoh segera dan memastikan usahawan kekal berdaya saing dan mampan.

3. Objektif utama pelaksanaan Pelan Pemulihan ini adalah bagi memastikan pemulihan serta kelestarian operasi perniagaan usahawan yang terjejas akibat penularan wabak COVID-19. Tempoh masa pelaksanaan adalah selama 1 tahun dan terbahagi kepada 2 fasa seperti berikut:

**Fasa 1:** Mei hingga Disember 2020; dan

**Fasa 2:** Januari hingga Mei 2021.

4. Di antara program-program yang terlibat adalah Pembiayaan Covid Business Recovery-Micro (CBRM), Program TEKUN Business Recovery Scheme (TBRS) dan Program TEKUN Mobilepreneur di bawah **TEKUN Nasional**; SME Technology Transformation Fund (STTF) dan Skim SME GO di bawah **SME Bank**; dan BR-CARES dan BizLady khusus untuk usahawan wanita di bawah **Bank Rakyat**.

Sekian, terima kasih.

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KETIGA  
PARLIMEN KEEMPAT BELAS (2020)**

---

**PERTANYAAN : LISAN**

**DARIPADA : TUAN ABDUL LATIFF BIN ABDUL RAHMAN  
[ KUALA KRAI ]**

**TARIKH : 17 OGOS 2020 (ISNIN)**

**SOALAN**

**TUAN ABDUL LATIFF BIN ABDUL RAHMAN [ KUALA KRAI ]** minta **MENTERI ALAM SEKITAR DAN AIR** menyatakan apakah langkah dan perancangan Kementerian untuk meningkatkan tahap perkhidmatan bekalan air yang lebih baik kepada penduduk negeri Kelantan.

**JAWAPAN**

Tuan Yang Di-Pertua,

1. Kerajaan Persekutuan melalui Kementerian Alam Sekitar dan Air (KASA) telah melaksanakan pelbagai inisiatif bagi memastikan 1.7 juta penduduk Kelantan mendapat akses kepada bekalan air bersih dan berkualiti. Ini termasuk:

- (i) di bawah Rancangan Malaysia Kesebelas (RMKe-11), Kerajaan Persekutuan telah meluluskan empat (4) projek bagi kerja-kerja menaiktaraf loji dan kajian sumber air dengan kos keseluruhan RM229.9 juta. Sehingga kini, dua (2) projek telah siap pembinaan, satu (1) dalam proses pembinaan iaitu Projek Pembinaan LRA Kg.Telok, Jajahan Kota Bharu, Kelantan dan satu (1) projek dalam peringkat perolehan iaitu kerja-kerja pembinaan *low weir* di Sungai Pahi, Kuala Krai dan Sungai Pengkalan Datu Kota Bharu;

- (ii) di bawah Rancangan Malaysia Kesebelas (RMKe-11) juga, Kerajaan Persekutuan turut meluluskan kerja-kerja berkaitan *Non-Revenue Water* (NRW) dengan jumlah kos projek sebanyak RM122.9 juta iaitu Program NRW Fasa 2 dan Program NRW Nasional Pendekatan 1, Negeri Kelantan (Pakej 1 dan Pakej 2); dan
- (iii) pembiayaan berjumlah RM451.68 juta bagi kerja-kerja perbelanjaan modal (CAPEX) oleh Pengurusan Aset Air Berhad (PAAB) bagi tempoh Operasi Ketiga (OP3) (2018-2020) bagi meningkatkan infrastruktur bekalan air termasuklah pembinaan loji rawatan air, naik taraf loji rawatan air, penggantian paip dan pembinaan kolam takungan dan sebagainya. Antara projek-projek utama yang akan dilaksanakan oleh PAAB adalah:
  - (a) menaik taraf dan membaik pulih LRA Bukit Chupak di Gua Musang dengan anggaran kos sebanyak RM16 juta;
  - (b) menaik taraf dan membaik pulih LRA Tanjung Mas, Kota Bharu dengan anggaran kos sebanyak RM49.95 juta; dan
  - (c) menaik taraf dan membaik pulih LRA Chicha Fasa 2 dengan anggaran kos sebanyak RM70 juta.

2. Di samping itu, agensi-agensi Kerajaan Persekutuan lain seperti *East Coast Economic Regional Development Council* (ECERDC), Kementerian Kemajuan Luar Bandar dan Wilayah, FELDA dan KESEDAR turut membiayai beberapa pembinaan loji rawatan air dan kerja naik taraf loji rawatan air seperti LRA Tualang, LRA Tendong, LRA Kelar Fasa 2 dan RKT Chalil melibat peruntukan berjumlah RM87.2 juta.

Sekian. Terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KETIGA, PENGGAL KEDUA  
PARLIMEN KEEMPAT BELAS**

---

**PERTANYAAN : LISAN**

**DARIPADA : YB TUAN WILLIAM LEONG JEE KEEN  
[ SELAYANG ]**

**TARIKH : 17 OGOS 2020 [ ISNIN ]**

**SOALAN**

Minta **MENTERI PERUMAHAN DAN KERAJAAN TEMPATAN** menyatakan:-

- (a) mengapa proses mengisytiharkan projek-projek sebagai terbengkalai dan dimasukkan ke dalam Senarai Pemulihan mengambil masa yang panjang; dan
- (b) apakah status 75 projek terbengkalai di Selangor dan Wilayah Kuala Lumpur dan mengapa keutamaan tidak diberikan untuk memulihkan projek-projek ini berbanding dengan membina unit-unit baru.

**JAWAPAN (a)**

Tuan Yang di-Pertua,

1. Untuk makluman Yang Berhormat, sesuatu projek perumahan swasta boleh disahkan sebagai terbengkalai oleh YB Menteri Perumahan dan Kerajaan Tempatan berdasarkan peruntukan Seksyen 11 (1) (ca) Akta Pemajuan Perumahan (Kawalan dan Pelesenan) 1966 [Akta 118]. Dari tahun 2009 hingga 30 Jun 2020, sebanyak 281 projek perumahan swasta meliputi 73,959 unit rumah dan melibatkan seramai 48,810 orang pembeli rumah telah disahkan terbengkalai di Semenanjung Malaysia.

2. Proses untuk mengisytiharkan atau mengesahkan sesuatu projek sebagai projek terbengkalai dan dimasukkan ke dalam senarai pemulihan mengambil masa yang panjang disebabkan keperluan untuk membuat



semakan terperinci melibatkan pelbagai dokumen dan penelitian tahap kemajuan kerja di tapak projek. Perkara ini amat penting untuk memastikan langkah-langkah sewajarnya diambil terlebih dahulu sebelum sesuatu projek yang dikenal pasti tersebut boleh disahkan sebagai terbengkalai.

3. Kementerian Perumahan dan Kerajaan Tempatan (KPKT) menghadapi kekangan masa, mengisytiharkan projek-projek sebagai terbengkalai dan dimasukkan ke dalam Senarai Pemulihan atas beberapa faktor seperti berikut:

- a) Terdapat kes-kes projek perumahan yang bermasalah/sakit sedang dibicarakan di mahkamah dan KPKT perlu menunggu sehingga mahkamah membuat keputusan terlebih dahulu sebelum KPKT mengisytiharkan projek berkenaan sebagai projek terbengkalai dan dimasukkan ke dalam senarai pemulihan.
- b) Selain itu, ketiadaan maklumat projek yang lengkap untuk semakan terperinci oleh KPKT seperti :-
  - i) senarai pembeli;
  - ii) hak milik tanah;
  - iii) pembiayaan atau *end financing*;
  - iv) maklumat teknikal seperti plan bangunan dan lain-lain

menyebabkan KPKT sukar untuk merancang dan mengisytiharkan sesuatu projek sebagai terbengkalai;

- c) Terdapat juga sesetengah pemaju asal yang cuba untuk menyiapkan/memulihkan projek mereka demi menjaga kepentingan para pembeli dan pihak berkepentingan yang lain termasuk pihak bank, tuan tanah, pemaju dan agensi-agensi teknikal menyebabkan KPKT tidak boleh mengambil tindakan mengisytiharkan projek berkenaan sebagai projek terbengkalai.
- d) Di samping itu, KPKT juga perlu membuat semakan sama ada status pemaju masih wujud atau telah digulung berdasarkan pengesahan dari Jabatan Insolvensi Malaysia dan Suruhanjaya Syarikat Malaysia. Pengesahan perlu dibuat bagi menentukan sama ada pelantikan pelikuidasi atau Pengurus dan Penerima dilaksanakan bagi meneruskan projek dan pihak KPKT akan membantu dari segi pemantauan serta mendapatkan status pemajuan projek berkenaan.

**JAWAPAN (b)**

1. Untuk makluman Yang Berhormat, statistik pemulihan projek perumahan swasta terbengkalai di Selangor dan Wilayah Persekutuan Kuala Lumpur dari tahun 2009 hingga 30 Jun 2020 adalah seperti berikut:

NEGERI	STATUS PROJEK				JUMLAH
	SIAP/ SELESAI	SEDANG DIPULIHKAN	PERANCANGAN AWAL	STATIK*	
SELANGOR	64	8	14	7	93
W.P. KUALA LUMPUR	9	-	-	-	9
<b>JUMLAH</b>	<b>73</b>	<b>8</b>	<b>14</b>	<b>7</b>	<b>102</b>

\* Projek statik ialah projek-projek yang masih mempunyai isu perundangan/ tiada halatuju pemulihan oleh pemaju/ pelikuidasi/ tuan tanah.

2. Untuk makluman Yang Berhormat juga, kerajaan melalui KPKT bukan sahaja memastikan penyediaan rumah yang mencukupi kepada rakyat melalui pembinaan projek perumahan baharu semata-mata tetapi turut memberi keutamaan untuk memulihkan projek terbengkalai bagi menjamin kepentingan pembeli dan semua pihak yang terlibat.

3. Secara umumnya, pembinaan rumah baharu boleh dilaksanakan dalam tempoh 2 hingga 3 tahun bagi menyiapkan sesuatu projek berkenaan, namun berlainan pula dengan isu perumahan terbengkalai di mana pemulihan projek-projek ini boleh mengambil masa yang panjang. Perkara ini disebabkan keperluan untuk mendapatkan persetujuan bersama antara semua pihak berkepentingan berdasarkan kepada undang-undang dan peraturan yang berkuat kuasa serta memenuhi keperluan sepertimana yang termaktub di dalam Perjanjian Jual Beli, selain daripada kekangan-kekangan lain yang turut dihadapi oleh KPKT dalam memulihkan sesuatu projek terbengkalai.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATUK SERI DR. MUJAHID BIN YUSOF  
RAWA [ PARIT BUNTAR ]**

**TARIKH : 17 OGOS 2020 (ISNIN)**

**SOALAN NO. 21**

**DATUK SERI DR. MUJAHID BIN YUSOF RAWA [ PARIT BUNTAR ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan kelewatan kawalan harga barang mentah semasa perayaan baru-baru ini sehingga menyebabkan barang-barang mentah meningkat dengan teruk dan kesannya masih berlaku hingga ke hari ini.

**JAWAPAN**

**Yang di-Pertua,**

1. Kerajaan melaksanakan Skim Harga Maksimum Musim Perayaan (SHMMP) untuk menyekat kenaikan harga barangan yang tidak munasabah akibat permintaan yang tinggi apabila tiba musim perayaan. Para peniaga diwajibkan menjual barangan harga terkawal tidak melebihi harga maksimum yang ditentukan oleh Kerajaan sepanjang tempoh skim berkuat kuasa. Skim ini dilaksanakan semasa perayaan Hari Raya Puasa, Tahun Baru Cina, Deepavali, Krismas, Pesta Kaamatan dan Hari Gawai.
2. Pertimbangan Kerajaan dalam melaksanakan SHMMP baru-baru ini mengambil kira usaha Kerajaan menangani penularan wabak COVID-19 serta perayaan Hari Raya Puasa, Pesta Kaamatan dan Hari Gawai semasa tempoh peralihan daripada Perintah Kawalan Pergerakan (PKP) kepada PKP Bersyarat (PKPB).
3. Pada masa tersebut, beberapa aktiviti ekonomi yang dibenarkan baharu saja bermula. Kerajaan berpandangan sekiranya tempoh SHMMP yang terlalu panjang boleh menjejaskan perniagaan pada masa tersebut.
4. Dalam masa yang sama, pertimbangan Kerajaan juga turut mengambil kira permintaan terhadap barangan dan perkhidmatan yang tidak begitu tinggi sepanjang tempoh PKP di samping banyak lagi aktiviti ekonomi yang tidak dibenarkan beroperasi. Walau bagaimanapun, Kerajaan bersedia untuk melaksanakan SHMMP seperti sebelum ini apabila keadaan semakin pulih dan aktiviti perniagaan kembali rancak.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN CHA KEE CHIN (RASAH)**

**TARIKH : 17 OGOS 2020 ( ISNIN )**

**SOALAN**

**TUAN CHA KEE CHIN [ RASAH ]** minta **MENTERI DALAM NEGERI** menyatakan apakah status terhadap mekanisme atau SOP baru untuk mempercepatkan proses permohonan kewarganegaraan di bawah Artikel 15A Perlembagaan Persekutuan untuk kanak-kanak tanpa dokumen (*stateless child*), seperti mana yang telah diumumkan oleh Menteri KDN pada hujung Disember 2019.

**JAWAPAN**

Tuan Yang Di-Pertua,

Untuk makluman Ahli Yang Berhormat, Prosedur Pengendalian Standard (SOP) Permohonan Kewarganegaraan Di Bawah Perkara 15A Perlembagaan Persekutuan **dengan tempoh pemprosesan yang lebih singkat** telah sedia untuk dilaksanakan bagi **permohonan lengkap yang diterima mulai tahun 2020**.

Penambahbaikan SOP berkenaan adalah berdasarkan kepada pematuhan syarat di bawah Bahagian III Perlembagaan Persekutuan dan Kaedah-Kaedah Kewarganegaraan 1964 [L.N.82/1964] serta turut mengambil kira pelbagai aspek termasuklah kebajikan pemohon tanpa mengabaikan keselamatan dan kesejahteraan warganegara sedia ada.

**PEMBERITAHUAN PERTANYAAN LISAN  
DEWAN RAKYAT MESYUARAT KEDUA,  
PENGKAL KETIGA, PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' SERI HAJI IDRIS BIN JUSOH [BESUT]**

**TARIKH : 17 OGOS 2020 (ISNIN)**

**SOALAN**

Minta **MENTERI PEMBANGUNAN USAHAWAN DAN KOPERASI** menyatakan usaha Kementerian untuk menggalakkan lebih ramai peneroka Lembaga Kemajuan Tanah Persekutuan (FELDA) menceburi bidang keusahawanan dalam membantu mereka menambah hasil pendapatan.

**JAWAPAN**

Tuan Yang Dipertua,

1. Untuk makluman Yang Berhormat, Kementerian komited untuk meningkatkan bilangan usahawan negara selaras dengan strategi Dasar Keusahawanan Nasional (DKN2030) dalam menjadikan Malaysia sebagai sebuah negara keusahawanan menjelang tahun 2030.

2. Kementerian Pembangunan Usahawan dan Koperasi (MEDAC) komited untuk memudah cara dan menyediakan ekosistem keusahawanan yang kondusif dan inklusif kepada semua bakal usahawan termasuk peneroka FELDA untuk menceburi bidang keusahawanan.

3. TEKUN Nasional sebagai salah satu agensi di bawah MEDAC telah melaksanakan inisiatif/program seperti berikut:

(i) **Skim Pembiayaan TEMAN TEKUN**

Program ini menyediakan pembiayaan menggunakan konsep berkumpulan dengan pembiayaan minima sebanyak RM1,000 hingga maksima RM10,000 bagi pembiayaan pertama serta tempoh pembiayaan 6 bulan hingga 5 tahun;

(ii) **Skim Pembiayaan TEMAN Niaga**

Program ini menyediakan pembiayaan minima RM10,000 hingga maksima RM100,000 dengan tempoh pembayaran balik maksima 10 tahun;

(iii) **Skim Pembiayaan TEMAN Nita**

Skim Pembiayaan Program TemanNita adalah pembiayaan mikro yang digunakan untuk membiayai secara berkumpulan khusus untuk kaum wanita; dan

(iv) **Skim Pembiayaan Kontrak-i**

Skim ini adalah merupakan proses untuk membiayai kontrak dan pembekalan secara terus yang diperolehi daripada Kerajaan

Persekutuan, Kerajaan Negeri, Agensi Kerajaan, Badan Berkanun & GLC.

4. MEDAC melalui Institut Keusahawanan Negara (INSKEN) turut menyediakan program pembangunan kapasiti bagi bakal usahawan seperti berikut:

(i) **Kursus Asas Keusahawanan (KAK)**

Kursus ini dilaksanakan selama dua hari bertujuan untuk memberi panduan untuk bakal usahawan menceburi bidang perniagaan

(ii) **Kursus Asas Industri INSKEN (INBT)**

Kursus bertujuan untuk membantu usahawan peringkat permulaan/bakal usahawan yang ingin memulakan perniagaan melalui latihan daripada pemain industri.

(iii) **INSKEN Business Training (IBT)**

Latihan bertujuan memberi tumpuan kepada pengetahuan teknikal bagi membimbing pengusaha dan memperkuat operasi harian merangkumi aspek pengurusan perniagaan, kewangan, operasi, jualan dan pemasaran (*online & offline*).

(iv) **Program Agri Coaching & Industry Development Programme (ACID)**

Program ini mensasarkan seramai 140 usahawan daripada golongan usahawan baharu dan B40 untuk memberi galakan keusahawanan dan menceburi bidang tanaman fertigasi.

(v) **INSKEN Masterclass**

Sesi perkongsian dan *networking* oleh pakar-pakar pasaran dan platform sedia ada merangkumi isu semasa, *trend*, statistik dan peluang untuk masuk ke pasaran/platform yang dibincangkan.

Sekian, terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

**PERTANYAAN : LISAN**

**DARIPADA : YB PUAN NURUL IZZAH BINTI ANWAR  
[ PERMATANG PAUH ]**

**TARIKH : 17 OGOS 2020 (ISNIN)**

**JAWAPAN**

**PUAN NURUL IZZAH BINTI ANWAR [ PERMATANG PAUH ]** minta  
**MENTERI SUMBER MANUSIA** menyatakan :-

- (a) apakah status pindaan Akta Kerja 1955 untuk melindungi pekerja dan pemohon kerja wanita hamil dan memperkasa golongan ini; dan
- (b) usaha Kementerian ke arah memastikan pekerja di Sabah dan Sarawak dapat menikmati hak yang sama seperti pekerja di Semenanjung Malaysia.

**JAWAPAN**

**Tuan Yang di-Pertua,**

1. Berhubung cadangan pindaan Akta Kerja 1955 (Akta 265), antara pindaan yang dicadangkan oleh Kementerian Sumber Manusia (KSM) ialah peruntukan mengenai larangan diskriminasi dalam pekerjaan. Melalui cadangan pindaan ini, Jabatan Tenaga Kerja (JTK) akan diberi kuasa untuk menyiasat dan mengambil tindakan ke atas majikan yang didakwa melakukan diskriminasi termasuk berkaitan jantina dalam syarat-syarat pekerjaan yang diberikan kepada pekerja.
2. Namun begitu, Akta 265 ini hanya terpakai kepada mereka yang telah memasuki kontrak pekerjaan (*contract of service*) dengan mana-mana majikan. Walau bagaimanapun, peruntukan ini tidak terpakai kepada pencari kerja (*job seekers*) termasuk wanita hamil.
3. Sungguhpun demikian, KSM sedang mengkaji kebolehlaksanaan untuk menangani isu diskriminasi pencari kerja melalui akta lain seperti Akta Sistem Insurans Pekerjaan 2017 (Akta 800).

**Tuan Yang di-Pertua,**

4. Kementerian ini dalam proses meminda Akta Kerja 1955 (Akta 265). Pada masa yang sama, Ordinan Buruh Sabah (Bab 67) dan Ordinan Buruh Sarawak (Bab 76) juga sedang dikaji semula bagi tujuan penyeragaman peruntukan agar selari dengan pindaan Akta Kerja 1955.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB DATUK HJ. JALALUDDIN B. HJ. ALIAS  
(JELEBU)**

**TARIKH : 17 OGOS 2020**

**SOALAN**

**DATO' HAJI JALALUDDIN BIN HAJI ALIAS [ JELEBU ]** minta **MENTERI  
DALAM NEGERI** menyatakan apakah perkembangan terkini terhadap  
penyiasatan kes pembunuhan pegawai bomba Adib, selepas Mahkamah  
Koroner mengesahkan kematian arwah adalah akibat perbuatan jenayah.

**JAWAPAN**

Tuan Yang Di Pertua,

Untuk makluman Ahli-ahli Yang Berhormat, Mahkamah Koroner Shah Alam yang bersidang pada 27 September 2019, telah memutuskan punca kematian anggota bomba, Muhammad Adib bin Mohd Kassim, bukanlah disebabkan kemalangan tetapi disebabkan perbuatan jenayah oleh dua (2) orang atau lebih suspek. Berdasarkan keputusan tersebut, PDRM sedang menjalankan siasatan berdasarkan arahan Pejabat Peguam Negara dan mengumpul bukti-bukti yang ada untuk dikemukakan semula kepada pihak pendakwa.

Kertas siasatan telah dirujuk semula ke Jabatan Peguam Negara pada 23 Julai 2020 dengan cadangan-cadangan seperti berikut:

- a) Menuduh 12 orang suspek di bawah Seksyen 143 Kanun Keseksaan yang merusuh dan menyerang jentera bomba; dan
- b) Mengadakan inkues semula untuk siasatan lanjut jika dipersetujui oleh Peguam Negara di bawah peruntukan Seksyen 339(2) Kanun Prosedur Jenayah.

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KETIGA  
PARLIMEN KEEMPAT BELAS (2020)**

---

**PERTANYAAN : LISAN**

**DARIPADA : TENGKU ZULPURI BIN RAJA PUJI [ RAUB ]**

**TARIKH : 17 OGOS 2020 (ISNIN)**

**SOALAN**

**TENGKU ZULPURI BIN RAJA PUJI [ RAUB ]** minta **MENTERI ALAM SEKITAR DAN AIR** menyatakan apakah tindakan Kerajaan Pusat bagi membantu permasalahan air bersih di negeri Pahang.

**JAWAPAN**

Tuan Yang Di-Pertua,

1. Kementerian Alam Sekitar dan Air (KASA) prihatin akan isu bekalan air yang melanda Negeri Pahang sama ada yang dihadapi oleh pengguna domestik atau pihak industri dan komersial seperti di Kawasan Perindustrian Gebeng dan *Malaysia-China Kuantan Industrial Park* (MCKIP). Oleh itu, antara projek-projek utama bekalan air yang akan dilaksanakan oleh Kementerian dalam membantu Pahang di bawah RP4(2020), RMKe-11 adalah seperti berikut:

- (i) peruntukan berjumlah RM619 juta terbahagi kepada dua (2) projek iaitu:
  - (a) RM446 juta bagi pembinaan Loji Rawatan Air Semambu Fasa 3 berkapasiti 145 juta liter sehari (JLH); dan

- (b) RM173 juta bagi pembinaan Tangki Imbangan untuk menyelesaikan masalah bekalan air di daerah Kuantan terutamanya di kawasan Perindustrian Gebeng.
- (ii) peruntukan sebanyak RM18 juta bagi menaiktaraf Loji Rawatan (LRA) Sg. Bilut, LRA Sg.Semantan dan LRA Sg. Klau di Daerah Raub yang terkesan akibat masalah air yang keruh pada musim hujan;
- (iii) Program Air Tidak Terhasil (NRW) Kebangsaan di bawah Pendekatan 1 dengan peruntukan sebanyak RM97.2 juta melibatkan;
  - (a) Program NRW Nasional Pendekatan 1 Daerah Pekan; dan
  - (b) Program NRW Nasional Pendekatan 1 Negeri Pahang (Pakej 1 dan Pakej 2).

2. Selain daripada itu, inisiatif penstrukturan semula industri bekalan air dijangka dapat dimuktamadkan pada suku ke-4 tahun 2020 untuk negeri Pahang.

3. Pengurusan Air Pahang Berhad (PAIP) akan mendapat kemudahan pembiayaan daripada Pengurusan Aset Air Berhad (PAAB) untuk menaiktaraf dan membina infrastruktur air dalam usaha memberikan perkhidmatan lebih baik kepada para pengguna di negeri Pahang.

4. Pelaksanaan semakan tarif air juga akan meletakkan Pengurusan Air Pahang Berhad dalam keadaan yang lebih selesa untuk memenuhi obligasinya sebagai sebuah syarikat air di negeri Pahang.

5. Dengan langkah-langkah yang disenaraikan ini, Kerajaan Persekutuan melalui Kementerian Alam Sekitar dan Air dijangka akan dapat menyelesaikan permasalahan bekalan air bersih di negeri Pahang yang sedang dihadapi.

Sekian. Terima kasih.

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KETIGA  
PARLIMEN KEEMPAT BELAS (2020)**

---

**PERTANYAAN : LISAN**

**DARIPADA : YB TUAN WONG HO WAI [ BUKIT BENDERA ]**

**TARIKH : 17 OGOS 2020 (ISNIN)**

**SOALAN**

**TUAN WONG HON WAI [ BUKIT BENDERA ]** minta **MENTERI ALAM SEKITAR DAN AIR** menyatakan apakah status cadangan Skim Penyaluran Air Mentah Sungai Perak (Sungai Perak Raw Water Transfer Scheme - SPRWTS) untuk menjamin bekalan air yang mencukupi di utara Perak dan Pulau Pinang dan apakah usaha Majlis Air Negara dalam fasilitasi projek pemindahan air mentah antara negeri-negeri.

**JAWAPAN**

Tuan Yang Di-Pertua,

1. Status Cadangan Skim Penyaluran Air Mentah Sungai Perak (*Sungai Perak Raw Water Transfer Scheme* – SPRWTS) untuk menjamin bekalan air mencukupi di utara Perak dan Pulau Pinang masih di peringkat perancangan Kementerian Alam Sekitar dan Air (KASA).
2. Pelaksanaan projek ini perlu mendapatkan persetujuan kedua-dua negeri berkaitan bidang kuasa sumber air. Oleh yang demikian, KASA ingin mencadangkan agar kedua-dua negeri segera mencapai persetujuan memandangkan projek ini amat penting bagi menangani masalah kekurangan sumber bekalan air di kawasan utara Perak dan negeri Pulau Pinang.

3. Sekiranya projek ini mendapat persetujuan kedua-dua negeri dan dilaksanakan, maka Skim Penyaluran Air Mentah Sungai Perak (*Sungai Perak Raw Water Transfer Scheme – SPRWTS*) ini akan melibatkan dua komponen:

- (i) pembinaan terowong air mentah bagi penyaluran air mentah dari negeri Perak ke Pulau Pinang secara geran oleh Kerajaan Persekutuan; dan
- (ii) pembinaan loji rawatan air (LRA) melalui pembiayaan oleh Pengurusan Aset Air Berhad (PAAB).

Sekian, terima kasih.



**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB DATO' HAJI AHMAD NAZLAN BIN IDRIS  
(JERANTUT)**

**TARIKH : 17 OGOS 2020**

**SOALAN**

**DATO' HAJI AHMAD NAZLAN BIN IDRIS [ JERANTUT ]** minta **MENTERI DALAM NEGERI** menyatakan jumlah tangkapan yang telah dilakukan oleh Kementerian terhadap sindiket penjualan kad pengenalan palsu serta jumlah kad pengenalan palsu yang telah berjaya dijual oleh sindiket.

**JAWAPAN**

Tuan Yang Di-Pertua,

Berdasarkan rekod operasi yang dijalankan oleh Jabatan Pendaftaran Negara (JPN) pada tahun 2019 hingga 30 Jun 2020 bagi kes penyalahgunaan dokumen pengenalan diri sama ada menggunakan Kad Pengenalan milik orang lain atau memiliki Kad Pengenalan palsu, sebanyak 126 orang telah berjaya ditangkap dan dituduh di bawah Peraturan 25(1)(e) Peraturan-Peraturan Pendaftaran Negara 1990.

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGKAL KETIGA,  
PARLIMEN KEEMPAT BELAS**

---

**PERTANYAAN : JAWAB LISAN**

**DARIPADA : TUAN YAMANI HAFEZ BIN MUSA  
[ SIPITANG ]**

**TARIKH : 17 OGOS 2020 (ISNIN)**

**SOALAN**

minta **MENTERI PEMBANGUNAN LUAR BANDAR** menyatakan adakah usaha untuk menambah bilangan lampu jalan kampung di setiap kampung dan desa.

**JAWAPAN**

Tuan Yang di-Pertua,

Pemasangan Lampu Jalan Kampung (LJK) di Semenanjung Malaysia dan Sabah, telah memasuki fasa ke-10, yang mana setiap parlimen luar dan pinggir bandar diberikan kuota sebanyak 200 unit LJK, dengan pecahan 160 unit LJK jenis *high pressure sodium vapour* (HPSV) dan 40 unit LJK jenis *light emitting diode* (LED), untuk dipasang di kampung-kampung yang layak.

Sebanyak 29,487 unit LJK dengan pecahan 22,520 unit lampu daripada jenis HPSV dan 6,967 unit daripada jenis LED akan dipasang di Semenanjung Malaysia, manakala 5,000 unit LJK dengan pecahan 4,000 unit lampu jenis HPSV dan 1,000 unit lampu jenis LED akan dipasang di Sabah.

Manakala di Sarawak pula, program ini telah memasuki fasa ke-8, dan sebanyak 4,500 unit LJK dengan pecahan 1,500 unit lampu jenis

**NO. SOALAN : 29**

HPSV dan 3,000 unit lampu jenis LED akan dipasang di kampung-kampung yang layak. Kos pemasangan bagi keseluruhan 38,987 unit LJK ini adalah anggaran RM44.6 juta dan dijangka siap sepenuhnya pada Jun 2021.

Di samping itu juga KPLB dengan kerjasama Kementerian Tenaga dan Sumber Asli (KETSA), turut akan membuat pemasangan sebanyak 25,000 unit lampu jalan jenis LED dari dana *incentive based regulation* (IBR), di kampung-kampung yang layak di parlimen luar dan pinggir bandar Semenanjung Malaysia.

**PEMBERITAHUAN PERTANYAAN LISAN DEWAN RAKYAT  
MESYUARAT KETIGA, PENGGAL KEDUA  
PARLIMEN KEEMPAT BELAS**

---

**PERTANYAAN : LISAN**

**DARIPADA : PUAN RUSNAH BINTI ALUAI [TANGGA BATU]**

**TARIKH : 17 OGOS 2020 [ ISNIN ]**

**SOALAN**

Minta **MENTERI PERUMAHAN DAN KERAJAAN TEMPATAN** menyatakan bilakah Kementerian akan melaksanakan dan membina insinerator atau “waste to energy” di negeri Melaka bagi menampung peningkatan sisa pepejal yang telah penuh dan melebihi kapasiti yang sebenarnya di Pusat Pelupusan Sampah di Sungai Udang, Melaka.

**JAWAPAN**

Tuan Yang di-Pertua,

1. Untuk makluman Yang Berhormat, Kementerian Perumahan dan Kerajaan Tempatan (KPKT) telah menyediakan dokumen umum *Request for Proposal* (RfP) bagi pembinaan loji rawatan sisa pepejal *Waste to Energy* (WtE) di seluruh negara. Proses tender secara RfP ini akan dimulakan setelah proses pengambilan tanah diselesaikan oleh Kerajaan Negeri.
2. Bagi menampung peningkatan sisa pepejal yang dijana di negeri Melaka, KPKT sedang membina 2 sel baharu di Tapak Pelupusan Sisa Pepejal Sanitari Sungai Udang, Melaka.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA  
PARLIMEN KEEMPAT BELAS**

---

**PERTANYAAN : LISAN**  
**DARIPADA : YB DATO' WIRA MOHD ANUAR BIN MOHD**  
**TAHIR**  
**KAWASAN : TEMERLOH**  
**TARIKH : 17 OGOS 2020 (ISNIN)**

**SOALAN NO. 31**

minta **MENTERI KERJA RAYA** menyatakan usaha Kerajaan untuk mengelakkan kontraktor - kontraktor pembinaan kerugian kerana tidak dapat menyiapkan projek dan pembangunan negara tergendala.

**JAWAPAN**

Tuan Yang Di-Pertua,

Untuk makluman Ahli Yang Berhormat, Kementerian Kerja Raya (KKR) melalui *desktop survey* oleh Lembaga Pembangunan Industri Pembinaan Malaysia (CIDB), mendapati cabaran yang dihadapi oleh kontraktor untuk beroperasi semasa tempoh Perintah Kawalan Pergerakan (PKP) adalah:

1. Isu aliran tunai;
2. Kerisauan jika terkena jangkitan COVID-19;
3. Tanggungan kos operasi untuk memenuhi SOP;
4. Tanggungan kos saringan COVID-19 ke atas pekerja; dan
5. Kekeliruan terhadap SOP.

KKR amat peka ke atas masalah-masalah yang dihadapi oleh penggiat industri termasuk kontraktor. Sehubungan itu, KKR melalui CIDB telah menyediakan Inisiatif Prihatin CIDB sehingga hujung tahun 2020 bertujuan untuk mengurangkan beban yang ditanggung oleh kontraktor seperti berikut:

1. Penangguhan pembayaran levi (untuk projek swasta sahaja);
2. Pengecualian mata CCD bagi tujuan pembaharuan pendaftaran;
3. Penangguhan pengenaan syarat MCORE (G1) ke 2021;
4. Pengecualian syarat Sijil Kecekapan Pengurusan (SKP) dan Kursus Integriti;

5. Penangguhan yuran penyertaan latihan kemahiran personel binaan tempatan;
6. Penangguhan yuran penilaian kompetensi kemahiran Penilaian Kompetensi Kemahiran (PKK);
7. Insentif yuran latihan dalam penyeliaan dan pengurusan; dan
8. Melanjutkan tempoh sah perakuan personel binaan sementara.

Tuan Yang Di-Pertua,

Selain itu, Kerajaan juga telah menyediakan beberapa inisiatif di bawah Pakej Rangsangan Ekonomi (PRE) yang telah diumumkan untuk membantu kontraktor memulakan operasi dan seterusnya merancakkan semula ekonomi negara. Inisiatif tersebut meliputi suntikan terus projek-projek segera dan bantuan tidak langsung bagi mengurangkan bebanan kewangan kontraktor dan syarikat untuk beroperasi.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB MAHFUZ B. OMAR (POKOK SENA)**

**TARIKH : 17 OGOS 2020**

**SOALAN**

**DATO' HAJI MAHFUZ BIN HAJI OMAR [ POKOK SENA ]** minta **MENTERI DALAM NEGERI** menyatakan statistik pendatang tanpa izin (PATI) yang telah ditangkap sepanjang tempoh Perintah Kawalan Pergerakan (PKP) berkuatkuasa dan nyatakan berapa ramaikah yang telah dihantar pulang ke negara asal mereka mengikut negara.

**JAWAPAN**

Tuan Yang Di Pertua,

Sepertimana Ahli Yang Berhormat sedia maklum, Perintah Kawalan Pergerakan (PKP) telah dikuatkuasakan bermula pada 18 Mac 2020 bagi membendung penularan wabak Covid-19 di seluruh negara. Bagi tempoh pelaksanaan PKP tersebut, jumlah tahanan warga asing di 14 buah Depot Tahanan Imigresen di seluruh negara yang direkodkan oleh Jabatan Imigresen Malaysia (JIM) pada 2 Julai 2020 adalah seramai 15,281 orang.

Manakala, jumlah penghantaran pulang tahanan yang berada di Depot Tahanan Imigresen dari 18 Mac 2020 sehingga 1 Julai 2020 adalah seramai 5,951 orang.



**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN RAMKARPAL SINGH A/L KARPAL  
SINGH (BUKIT GELUGOR)**

**TARIKH : 17 OGOS 2020**

**SOALAN**

**TUAN RAMKARPAL SINGH A/L KARPAL SINGH [BUKIT GELUGOR]** minta **MENTERI DALAM NEGERI** menyatakan langkah-langkah yang telah diambil oleh Kerajaan untuk memperbaiki keadaan penjara terutamanya dari aspek kesihatan, kebersihan dan tempat tahanan yang mana masih pada tahap yang tidak memuaskan sepertimasana yang didapati oleh pihak SUHAKAM dalam tahun 2017.

**JAWAPAN**

Tuan Yang Di Pertua,

Untuk makluman Ahli Yang Berhormat, pihak Kementerian Dalam Negeri dan Jabatan Penjara Malaysia akan sentiasa melakukan penambahbaikan dan antara tindakan penambahbaikan dalam pelbagai aspek yang sedang diambil adalah seperti berikut:

i. Bagi tujuan penggantian kaedah sisa kumbahan sistem *bucket* kepada sistem tandas moden di 8 buah penjara, Jabatan Penjara Malaysia telah mengambil tindakan dengan membuat kajian dan penelitian bersama JKR. Hasil kajian dan penelitian mendapati:

- 3 buah penjara sahaja yang sesuai di naik taraf iaitu Pusat Pemulihan Akhlak Batu Gajah, Penjara Pengkalan Chepa dan Penjara Seremban; dan

- 2 buah penjara lagi iaitu Penjara Alor Setar dan Penjara Penor telah dinaiktaraf kepada sistem tandas moden.

ii. Pembinaan penjara baru bukannya langkah tunggal sebagai kaedah mengurangkan kesesakan di institusi penjara. Dua buah institusi penjara (Lahad Datu dan tiga kluster dadah) telah diluluskan oleh Unit Perancangan Ekonomi (EPU), Jabatan Perdana Menteri masing-masing pada tahun 2017 dan 2019, bagi tujuan pengkhususan pemulihan berasaskan kesalahan.

Dasar dan halatuju Jabatan Penjara Malaysia adalah memperkembangkan pemulihan dalam masyarakat, di mana 2/3 dari banduan sabitan yang layak akan menjalani pemulihan di luar penjara. Antara langkah yang telah diambil oleh pihak Jabatan Penjara Malaysia dalam menangani isu kesesakan adalah:

- Sistem Parol - bermula tahun 2008;
- Pusat Kehadiran Wajib (PKW) - bermula tahun 2010;
- Pusat Reintegrasi Penghuni (PRP) – bermula tahun 2012;
- Pusat Reintegrasi Penghuni Industri (PRPI) - bermula tahun 2018; dan
- Rumah Perantaraan (bermula tahun 2010).

Usaha penambahbaikan dari segi penambahan jawatan serta skim perkhidmatan Jabatan Penjara Malaysia akan diteruskan memandangkan wujud pertambahan beban kerja, risiko serta kompleksiti tugas yang dilaksanakan.

Sehubungan itu, Jabatan Penjara Malaysia akan terus bekerjasama bagi membolehkan pihak SUHAKAM melawat, memeriksa serta menjalankan siasatan di institusi penjara. Begitu juga dengan penglibatan SUHAKAM dalam memberikan latihan untuk pegawai penjara berkaitan hak asasi manusia, akan diteruskan.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

**PERTANYAAN : LISAN**

**DARIPADA : YB TUAN SIM TZE TZIN [ BAYAN BARU ]**

**TARIKH : 17 OGOS 2020 (ISNIN)**

**JAWAPAN**

**TUAN SIM TZE TZIN [ BAYAN BARU ]** minta **MENTERI SUMBER MANUSIA** menyatakan jumlah permohonan pekerja asing dalam sektor Pertanian dan industri makanan pada tahun 2017, 2018 dan 2019. Bagaimana Kementerian menyelesaikan masalah kekurangan pekerja asing dalam sektor 3D ini.

**JAWAPAN**

**Tuan Yang di-Pertua,**

1. Berdasarkan statistik Jabatan Tenaga Kerja Semenanjung Malaysia (JTKSM) dari tahun 2017 sehingga 2019, sebanyak 5,307 permohonan daripada majikan telah diterima dalam sektor pertanian. Permohonan ini melibatkan seramai 138,403 orang pekerja asing.
2. Pada tahun 2017, sebanyak 1,855 permohonan daripada majikan telah diterima dan 1,094 permohonan telah diluluskan. Kelulusan ini melibatkan seramai 16,304 pekerja asing.
3. Manakala pada tahun 2018, sebanyak 1,557 permohonan daripada majikan telah diterima dan 653 permohonan telah diluluskan. Kelulusan ini melibatkan seramai 14,014 pekerja asing.
4. Seterusnya, pada tahun 2019, sebanyak 1,895 permohonan daripada majikan telah diterima dan 735 permohonan telah diluluskan melibatkan seramai 13,105 pekerja asing.
5. Untuk makluman Dewan yang Mulia, Kementerian Sumber Manusia (KSM) tiada maklumat mengenai permohonan penggajian pekerja asing bagi industri makanan.

**Tuan Yang di-Pertua,**

6. Pada masa ini, Kerajaan mengutamakan rakyat tempatan bagi mengurangkan kebergantungan terhadap pekerja asing. Kerajaan hanya memberikan kebenaran penggajian pekerja asing di sektor dan sub-sektor tertentu bagi kategori pekerjaan asas berkemahiran rendah yang kurang diminati oleh rakyat tempatan.

**Untuk makluman Dewan yang Mulia,**

7. Berikut adalah langkah KSM dalam usaha menyelesaikan masalah kekurangan pekerja sektor 3D (*Dirty, Dangerous, Difficult*) di negara ini, pelbagai langkah telah diambil oleh seperti:

- i. menetapkan kadar gaji minimum bagi menarik minat lebih ramai pencari kerja rakyat tempatan. Pada ketika ini, Kerajaan telah melaksanakan kadar gaji minimum RM1,200 sebulan bagi pekerja di wilayah bandar-bandar utama manakala RM1,100 sebulan bagi pekerja di luar wilayah bandar-bandar utama;
- ii. mengadakan kolaborasi antara Jabatan Tenaga Kerja Semenanjung Malaysia (JTKSM) dengan majikan melalui Program Penempatan Pekerjaan (3P) untuk memudahkan proses penempatan kepada pencari kerja tempatan yang berminat dalam sektor pertanian;
- iii. menggalakkan sektor-sektor berintensifkan buruh beralih kepada penggunaan mekanisasi dan automasi; dan
- iv. memberi kemudahan kepada majikan untuk mengambil pekerja asing melalui proses pertukaran majikan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

**PERTANYAAN : LISAN**

**DARIPADA : YB TUAN KARUPAIYA A/L MUTUSAMI  
[ PADANG SERAI ]**

**TARIKH : 17 OGOS 2020 (ISNIN)**

**JAWAPAN**

**TUAN KARUPAIYA A/L MUTUSAMI [ PADANG SERAI ]** minta **MENTERI SUMBER MANUSIA** menyatakan tindakan Kementerian tentang isu pemberhentian kerja dalam kalangan pekerja swasta terutamanya operator kilang dan sumber pendapatan alternatif selepas COVID-19.

**JAWAPAN**

**Tuan Yang di-Pertua,**

1. Berdasarkan rekod Pemberhentian Pekerja yang direkodkan oleh Jabatan Tenaga Kerja (JTK), Kementerian Sumber Manusia, seramai 67,068 pekerja tempatan dan 4,753 pekerja asing telah diberhentian kerja bagi tempoh 1 Januari 2020 hingga 30 Jun 2020.

**Tuan Yang Di Pertua,**

2. Pekerja-pekerja yang diberhentikan ini layak menerima faedah-faedah yang diperuntukan di bawah undang-undang perburuhan seperti:

- (i) Yang pertama, bayaran faedah penamatan kerja di bawah Akta Kerja 1955 (Akta 265) mengikut tempoh perkhidmatan;
- (ii) Yang kedua, faedah di bawah Skim Insurans Pekerjaan (SIP) di bawah Akta Skim Insurans Pekerjaan 2017 (Akta 800); dan
- (iii) Representasi pemulihan kerja di bawah Akta Perhubungan Perusahaan 1967 (Akta 177) jika pekerja berkenaan merasakan pemberhentiannya tidak adil (*unfair dismissal*).

3. Dalam tempoh Perintah Kawalan Pergerakan (PKP), KSM telah mengeluarkan garis panduan berhubung perintah kuarantin, pemberhentian kerja, kelayakan cuti dan pemeriksaan kesihatan dalam kalangan pekerja sepanjang PKP. Selaras dengan Seksyen 60F dan Seksyen 60E(1B) Akta Kerja 1955 (Akta 265). Majikan yang gagal mematuhi garis panduan boleh dikenakan hukuman mengikut Akta 265.

4. Manakala pekerja yang diberhentikan kerja pula, kerajaan telah menyediakan bantuan berbentuk kewangan dan faedah bantuan pencarian pekerjaan melalui agensi-agensi di bawah KSM seperti:

5. Untuk makluman Ahli-Ahli Yang Berhormat, selain daripada inisiatif-inisiatif Kerajaan di bawah PRIHATIN dan PENJANA, Kerajaan telah memperkenalkan dan melaksanakan **Sistem Insurans Pekerjaan (SIP)** yang bertujuan untuk membantu mereka yang kehilangan pekerjaan.

6. Di bawah SIP, pekerja-pekerja yang kehilangan pekerjaan akan diberi bantuan kewangan segera untuk menampung perbelanjaan semasa dan juga bantuan pencarian pekerjaan baru. Jika syarat-syarat kelayakan dan caruman sebanyak 12 bulan dipenuhi, pekerja adalah layak untuk menuntut faedah penuh SIP seperti berikut:

- i. Elaun Mencari Pekerjaan (EMP)
- ii. Elaun Bekerja Semula Awal (EBSA)
- iii. Elaun Pendapatan Berkurangan (EPB)
- iv. Elaun Latihan
- v. Fi Latihan (Dibayar kepada Penyedia Latihan)

Sekian, terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA  
PARLIMEN KEEMPAT BELAS**

---

**PERTANYAAN : LISAN**  
**DARIPADA : YB DATO' ABDULLAH SANI BIN ABDUL  
HAMID**  
**KAWASAN : KAPAR**  
**TARIKH : 17 OGOS 2020 (ISNIN)**

**SOALAN NO. 36**

minta **MENTERI KERJA RAYA** menyatakan komitmen untuk membaik pulih jalan-jalan Persekutuan terutama di dalam kawasan Kapar yang sekian hari mengancam nyawa pengguna jalan raya.

**JAWAPAN**

Tuan Yang Di-Pertua,

Untuk makluman Ahli Yang Berhormat, jumlah panjang Jalan Persekutuan di kawasan Parlimen Kapar yang disenggara oleh syarikat konsesi adalah sepanjang **51.87 km**. Pihak syarikat konsesi telah melaksanakan **penyenggaraan rutin** di kawasan Parlimen Kapar dengan **jumlah peruntukan sebanyak RM1.1 juta setahun**. Berdasarkan rekod kementerian ini, bagi tahun 2017 sehingga 2020 **peruntukan bagi penyenggaraan berkala adalah berjumlah RM21.3 juta** dan **peruntukan kerja kecemasan adalah sebanyak RM80 ribu**.

Kementerian Kerja Raya melalui Jabatan Kerja Raya sentiasa komited dalam memastikan tahap keadaan jalan sentiasa dalam keadaan yang selamat dan selesa dengan perlaksanaan kerja-kerja penyenggaraan rutin sepanjang tahun.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN CHAN MING KAI (ALOR SETAR)**

**TARIKH : 17 OGOS 2020 ( ISNIN )**

**SOALAN**

**TUAN CHAN MING KAI [ ALOR SETAR ]** minta **MENTERI DALAM NEGERI** menyatakan siapa ahli Lembaga Parol KDN serta :-

- (a) berapa kerap mesyuarat dan kelulusan parol setiap bulan; dan
- (b) bagaimana mempercepatkan proses pertimbangan parol.

**JAWAPAN**

Tuan Yang di-Pertua,

Selaras dengan Seksyen 46B(2) Akta Penjara 1995 (Pindaan) 2008, Lembaga Parol adalah terdiri daripada anggota yang dilantik oleh SPB Yang di-Pertuan Agong mengandungi seorang Pengerusi daripada kalangan anggota Perkhidmatan Kehakiman dan Perundangan, seorang pegawai kanan penjara, seorang pegawai kanan polis, seorang pegawai kanan kebajikan dan tiga orang awam. Secara keseluruhannya Lembaga Parol mempunyai tujuh (7) orang keanggotaan bagi setiap lembaga.

Lembaga Parol bersidang sekurang-kurangnya dua (2) kali seminggu bagi mempertimbangkan permohonan parol kepada banduan yang layak. Walau bagaimanapun, Lembaga Parol juga akan bersidang pada bila-bila masa diperlukan untuk mempertimbangkan kes-kes khas.

**Tuan Yang di-Pertua,**

Sehingga 30 Jun 2020, secara purata Lembaga Parol telah mempertimbangkan antara 800 ke 900 permohonan parol banduan yang layak pada setiap bulan. Berdasarkan *trend* (dengan izin) kelulusan pertimbangan Lembaga Parol pada setiap bulan menunjukkan purata peratusan yang berjaya mendapat pelepasan secara parol sepanjang pelaksanaan Program Parol adalah 66%. Pertimbangan kelulusan permohonan parol oleh Lembaga Parol adalah berlandaskan kepada asas-asas pertimbangan sepertimana digariskan di bawah seksyen 46F Akta Penjara 1995.

Untuk makluman, proses pertimbangan parol adalah tertakluk kepada Peraturan 6(1) – Peraturan-Peraturan Penjara (Parol) 2010, di mana Lembaga Parol perlu bersidang untuk menimbangkan semua permohonan bagi pembebasan parol seseorang banduan dalam masa empat belas (14) hari dari tarikh banduan itu layak diparol.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN R. SIVARASA (SUNGAI BULOH)**

**TARIKH : 17 OGOS 2020 ( ISNIN )**

**SOALAN**

**TUAN R. SIVARASA [ SUNGAI BULOH ]** minta **MENTERI DALAM NEGERI** menyatakan jumlah kes-kes permohonan oleh kanak-kanak yang tidak mempunyai kewarganegaraan ( stateless ) yang telah dianak angkat oleh ibu bapa kewarganegaraan Malaysia. Apakah tindakan akan diambil oleh Kerajaan untuk menyelesaikan masalah yang dihadapi oleh keluarga-keluarga sebegini.

**JAWAPAN**

**Tuan Yang Di-Pertua,**

Berdasarkan rekod Jabatan Pendaftaran Negara (JPN) bagi tempoh dari tahun 2018 hingga 30 Jun 2020, sebanyak 4,612 permohonan kewarganegaraan di bawah Perkara 15A Perlembagaan Persekutuan bagi anak angkat kepada pasangan warganegara Malaysia telah diterima.

Untuk makluman Ahli-ahli Yang Berhormat, pengangkatan tidak membawa maksud pemerolehan kewarganegaraan Malaysia secara automatik. Ibu bapa angkat yang sah boleh mengemukakan permohonan kewarganegaraan secara pendaftaran di bawah Perkara 15A Perlembagaan Persekutuan sebelum anak angkat berumur 21 tahun dan ke atas, tertakluk kepada pematuhan syarat yang ditetapkan dalam Bahagian III Perlembagaan Persekutuan, Kaedah-Kaedah Kewarganegaraan 1964 [L.N.82/1964] serta perundangan berkaitan yang berkuatkuasa dalam isu pendaftaran perkahwinan, pengangkatan, kesahtarafan anak dan peraturan imigresen.

Dalam memastikan permohonan di bawah Perkara 15A Perlembagaan Persekutuan diproses dengan lebih sistematik dan berkesan, Kementerian telah menambahbaik Prosedur Pengendalian Standard (SOP) Permohonan Kewarganegaraan Di Bawah Perkara 15A Perlembagaan Persekutuan dengan **tempoh pemprosesan yang lebih singkat** bagi **permohonan lengkap yang diterima mulai tahun 2020**.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN WONG LING BIU (SARIKEI)**

**TARIKH : 17 OGOS 2020 ( ISNIN )**

**SOALAN**

**TUAN WONG LING BIU [ SARIKEI ]** minta **MENTERI DALAM NEGERI** menyatakan bilakah pembinaan Batalion 10 PGA di Sg. Paoh Sarikei akan bermula. Apakah kemudahan yang akan dimasukkan dalam fasa pertama. Berapa ramai anggota atau keluarga yang dapat menampung oleh kem tersebut.

**JAWAPAN**

Tuan Yang Di Pertua,

Cadangan projek pembangunan semula keseluruhan Kompleks Batalion 10 Pasukan Gerakan Am (PGA) Sibu telah diluluskan oleh Unit Perancang Ekonomi, Jabatan Perdana Menteri (UPE, JPM) untuk dilaksanakan di bawah *Rolling Plan* Kedua (RP-2) Tahun 2017.

Projek kini dalam peringkat akhir fasa reka bentuk dan dalam proses penyediaan dokumentasi termasuk menjalankan kajian siasatan tanah (*soil investigation*), kajian *Environment Impact Assessment (EIA)* dan mendapatkan kelulusan *State Planning Authority (SPA)*. Antara skop utama projek yang akan dilaksanakan melibatkan pembinaan bangunan pentadbiran, lapang sasaran, bangunan kediaman, dan bangunan-bangunan sokongan bagi pengoperasian. Berdasarkan perancangan projek dijangka akan ditender pada bulan Ogos 2020 tertakluk segala perancangan dan perolehan berjalan lancar.

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

---

**PERTANYAAN : JAWAB LISAN**

**DARIPADA : YB TUAN AHMAD BIN HASSAN [ PAPAR ]**

**TARIKH : 17 OGOS 2020 ( ISNIN )**

**SOALAN**

Minta **MENTERI BELIA DAN SUKAN** menyatakan kenapa pembinaan mini Stadium di Kg Beringgis Papar yang sudah diluluskan dalam RMK-11 sebanyak RM10 Juta tidak diluluskan hanya kerana tapak yang tersedia ada agak mahal untuk diuruskan sedangkan keperluan mini stadium ini sangat mendesak untuk kemudahan sekolah-sekolah dan penduduk umum di daerah Papar.



**JAWAPAN**

Tuan Yang Di-Pertua,

1. Untuk makluman Ahli Yang Berhormat, pelaksanaan semula Stadium Mini Papar telah ditangguhkan pelaksanaan disebabkan keadaan tapak yang dicadangkan memerlukan kos yang tinggi bagi kerja tanah sekali gus tidak kos efektif bagi projek tersebut. Kementerian ini bersedia untuk mempertimbangkan pelaksanaan semula Stadium Mini Papar di dalam Rancangan Malaysia Kedua Belas (RMK-12) sekiranya tapak yang sesuai dikenal pasti serta mendapat kerjasama yang baik daripada Pihak Kerajaan Negeri dan Pihak Berkuasa Tempatan.

2. Walaupun tanpa stadium mini, sebanyak 6 program belia, sukan dan rakan muda telah dilaksanakan di Daerah Papar sepanjang 2019. Antara program-program tersebut adalah seperti berikut:

<b>Bil</b>	<b>Tarikh</b>	<b>Nama Program</b>	<b>Tempat Pelaksanaan</b>
1.	17 Oktober 2019	Program Bulan Sukan Negara	SK Pekan Bongawan
2.	15 Oktober 2019	Program Bulan Sukan Negara	SK Tempasak Papar
3.	11 Oktober 2019	Program Bulan Sukan Negara	SK Pekan Kimanis
4.	14 Jun 2019	Program Kerohanian Bersama Persatuan Belia Kg. Kabang Papar	Masjid Kg. Kabang, Papar
5.	18 Mei 2019	Program Gaya Hidup Sihat	Padang Pekan Papar
6.	17 – 19 April 2019	Kursus Kepimpinan Organisasi (KPO) Tahap 1	Mandalipau White Water View & Fish Pond, Papar

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

**PERTANYAAN : LISAN**

**DARIPADA : YB DATO' HAJI MAHFUZ BIN HAJI OMAR  
[ POKOK SENA ]**

**TARIKH : 17 OGOS 2020 (ISNIN)**

**JAWAPAN**

**DATO' HAJI MAHFUZ BIN HAJI OMAR [ POKOK SENA ]** minta **MENTERI SUMBER MANUSIA** menyatakan apakah perancangan dan persediaan untuk meningkatkan keupayaan setiap pengajar dan juga institusi latihan kemahiran awam dan swasta pasca COVID-19 (Norma Baru).

**JAWAPAN**

Tuan Yang di-Pertua,

1. Bagi meningkatkan keupayaan setiap pengajar dan juga institut latihan kemahiran awam dan swasta pasca COVID-19 (NORMA BARU), Kementerian Sumber Manusia melalui Pusat Latihan Pengajar dan Kemahiran Lanjutan (CIAST), Jabatan Pembangunan Kemahiran telah merancang dan menyediakan program-program seperti Program Pembangunan Kepakaran & Latihan Semula Tenaga Pengajar (Reskilling), Program Latihan Sangkutan Industri (LSI) dan Program Perkongsian Kepakaran Industri (PKI).
2. Program Pembangunan Kepakaran & Latihan Semula Tenaga Pengajar (Reskilling) telah mula dilaksanakan pada tahun 2016 dengan tujuan untuk meningkatkan kepakaran dan kemahiran pengajar TVET. Dari tahun 2016 hingga 2019, sebanyak 2,873 kursus telah dilaksanakan di mana seramai 51,597 pengajar TVET telah mengikuti program ini. Bagi tahun 2020, Program *Reskilling* ini menawarkan sebanyak 375 kursus untuk 4,000 pengajar TVET yang merangkumi kursus kemahiran pelbagai bidang serta kursus berkaitan Revolusi Industri 4.0 (IR4.0).
3. Dalam memastikan peningkatan profesionalisme tenaga pengajar TVET memenuhi kehendak industri, Program Latihan Sangkutan Industri (LSI) telah diperkenalkan. Program ini merupakan program penempatan tenaga pengajar untuk menjalani latihan di industri secara terancang dan diselia oleh pegawai yang dipertanggungjawabkan di industri dalam bidang pengkhususan masing-masing. Pada tahun 2011 sehingga 2019, seramai 1,506 pengajar TVET telah menyertai LSI. Manakala bagi tahun 2020, seramai 200 pengajar TVET disasarkan akan menyertai program LSI ini.
4. Selain program Reskilling dan LSI, Program Perkongsian Kepakaran Industri (PKI) turut dilaksanakan di mana program ini akan menemukan tenaga pengajar TVET dalam program-program berbentuk seminar, kursus jangka pendek, bengkel dan sebagainya. Program PKI ini merupakan

suatu platform di mana pihak industri atau pakar industri yang diiktiraf dijemput untuk berkongsi kepakaran atau pengalaman mereka dengan pihak institusi latihan dalam memastikan pelaksanaan latihan menepati kehendak industri. Pada tahun 2018 dan 2019, seramai 778 pengajar TVET telah menyertai Program PKI. Manakala bagi tahun 2020 adalah dianggarkan seramai 150 pengajar TVET menyertai Program PKI ini.

**Tuan Yang di-Pertua,**

5. Bagi meningkatkan keupayaan institusi latihan kemahiran, ILJTM bersedia untuk melaksanakan mod modul pembelajaran khas secara *online* yang dibangunkan secara dalaman oleh pengajar-pengajar. Mod pembelajaran secara *online* adalah untuk pengambilan pelajar baharu untuk sesi 2/2020 yang mendaftar pada 1 September 2020 akan datang.

6. Seramai 6,200 orang pelajar ditawarkan untuk memasuki dalam pelbagai bidang di ILJTM. Kaedah ini adalah sebagai respons ILJTM untuk mengharungi Norma Baru bagi mengadaptasikan penularan wabak COVID-19.

7. Untuk itu, pengajar ILJTM telah didedahkan kursus *online* secara *in-house* bagi meningkatkan kemahiran masing-masing. JTM akan menyediakan jadual yang seragam agar pemantauan pelaksanaan kelas-kelas *online* ini dapat dipantau oleh ibu pejabat.

8. Pada masa yang sama, pengurusan institut juga diminta memberi perhatian sepenuhnya kepada pengajar agar impak kelas-kelas *online* ini hampir setara dengan pelaksanaan kelas secara bersemuka. Pelaksanaan latihan juga akan mengambil kira SOP COVID-19 sektor perkhidmatan latihan kemahiran yang telah diluluskan oleh MKN dengan norma baru iaitu mengelakkan 3C (*crowded place, confined space & close conversation*) dan mengamalkan 3W (*wash, wear & warn*).

Sekian, terima kasih.

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KEEMPAT BELAS**

---

**PERTANYAAN : JAWAB LISAN**

**DARIPADA : YB PUAN NOORITA BINTI SUAL [ TENOM ]**

**TARIKH : 17 OGOS 2020 ( ISNIN )**

**SOALAN**

Minta **MENTERI BELIA DAN SUKAN** menyatakan apakah status dan perkembangan pembinaan Kompleks Sukan Daerah Tenom, memandangkan fasiliti kompleks sukan ini yang sudah tidak boleh digunakan lagi.

**JAWAPAN**

**Tuan Yang di-Pertua,**

Untuk makluman Ahli Yang Berhormat, Kementerian Belia dan Sukan (KBS) akan menaik taraf semula Kompleks Sukan Daerah Tenom, di mana pada waktu ini berada di peringkat penilaian untuk memuktamadkan skop projek. Justeru itu, kerja-kerja pembinaan bagi projek ini dijangka akan dapat dimulakan pada bulan Januari 2021 dan dijangka siap pada Julai 2022.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB DATUK SERI PANGLIMA WILFRED MADIUS  
TANGAU (TUARAN)**

**TARIKH : 17 OGOS 2020**

**SOALAN**

**DATUK SERI PANGLIMA MADIUS TANGAU [ TUARAN ]** minta **MENTERI DALAM NEGERI** menyatakan berapa jumlah pelarian daripada Filipina yang diberikan dokumen IMM13 di Sabah dan berapakah pula suami/isteri serta anak-anak mereka dan apakah benar ada di kalangan mereka yang telah diberi Permanent Residence (PR).

**JAWAPAN**

Tuan Yang Di Pertua,

Untuk makluman Ahli Yang Berhormat, proses semakan silang di antara agensi pengeluar dokumen di Sabah iaitu Jabatan Imigresen Malaysia (JIM) yang mengeluarkan IMM13, Jabatan Ketua Menteri Sabah yang mengeluarkan Kad Burung-Burung dan Majlis Keselamatan Negara yang mengeluarkan Sijil Banci telah dilaksanakan pada tahun 2016. Hasil semakan silang tersebut mendapati jumlah keseluruhan pemegang ketiga-tiga dokumen tersebut adalah 136,055 orang. Jumlah tersebut merangkumi sebanyak 51,645 orang pemegang IMM13, 36,892 orang pemegang Kad Burung-Burung dan 47,518 orang pemegang Sijil Banci yang sah.

Merujuk kepada persoalan kedua Ahli Yang Berhormat berhubung isu Kad Pengenalan Pemastautin Tetap (MyPR), pengeluaran Kad Pengenalan MyPR yang berstatus Penduduk Tetap oleh Jabatan Pendaftaran Negara (JPN) adalah berdasarkan Subperaturan 5(3)(b), Peraturan-Peraturan Pendaftaran Negara 1990. Bagi mendapatkan Kad Pengenalan MyPR, pemohon perlu mempunyai pasport yang sah dan Permit Masuk yang dikeluarkan oleh Jabatan Imigresen Malaysia (JIM).

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE TIGA,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN DR HATTA B. MD RAMLI (LUMUT)**

**TARIKH : 17 OGOS 2020 ( ISNIN )**

**SOALAN**

**DATUK WIRA DR. MOHD HATTA BIN MD. RAMLI [ LUMUT ]** minta **MENTERI DALAM NEGERI** menyatakan statistik jumlah kes kemalangan jalan raya berpunca daripada pemandu mabuk di bawah pentadbiran Kerajaan Perikatan Nasional (PN).

**JAWAPAN**

Tuan Yang Di Pertua,

Statistik kemalangan jalan raya yang disebabkan oleh pemanduan berbahaya oleh pemandu di bawah pengaruh alkohol sejak pentadbiran Kerajaan Perikatan Nasional dari Mac 2020 sehingga Jun 2020 adalah sebanyak 99 kes.

Daripada jumlah ini, tujuh (7) kes melibatkan kemalangan maut, satu (1) kes melibatkan kemalangan parah, empat (4) kes melibatkan kemalangan ringan dan 87 kes kemalangan rosak.



**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KETIGA  
PARLIMEN KEEMPAT BELAS (2020)**

---

**PERTANYAAN : LISAN**

**DARIPADA : TUAN YUSUF BIN ABD. WAHAB  
[ TANJONG MANIS ]**

**TARIKH : 17 OGOS 2020 (ISNIN)**

**SOALAN**

**TUAN YUSUF BIN ABD. WAHAB [ TANJONG MANIS ]** minta **MENTERI ALAM SEKITAR DAN AIR** menyatakan adakah pembinaan ban pertanian di kawasan Kampung Parit Bugis, di seberang bandar Sarikei, akan diteruskan memandangkan projek tersebut sudah diluluskan semasa pemerintahan Kerajaan Barisan Nasional dahulu.

**JAWAPAN**

Tuan Yang Di-Pertua,

1. Untuk makluman, pembinaan ban pertanian adalah dibawah bidang kuasa Kementerian Pertanian dan Industri Makanan (MAFI). Melalui semakan dengan MAFI, projek tersebut tidak tersenarai dibawah projek Bahagian Pengairan dan Saliran Pertanian (BPSP), MAFI dalam RMKe-10, RMKe-11 dan tiada permohonan projek baharu dalam RMKe-12.
2. Manakala melalui semakan bersama dengan Jabatan Pengairan dan Saliran Negeri Sarawak didapati bahawa projek tersebut dalam perancangan di peringkat Kerajaan Negeri.

Sekian, terima kasih.